



Arkivnr: 2017/732-93

Saksbehandlar: Merethe Helland Nordnæs

## Saksframlegg

### Saksgang

Utval	Saknr.	Møtedato
Valnemnda		12.12.2017
Fylkestinget		12.12.2017

## Samarbeidande kraftfylke - val av kandidatar til styreleiarverv, delegat til årsmøtet og representantar til årsmøtekonferansen

### Samandrag

Hordaland fylkeskommune er medlem i organisasjonen Samarbeidande Kraftfylker.

Samarbeidande Kraftfylke (Kraftfylka) er ei interesseforening som har til føremål å fremje og teke i vare kraftfylkas felles interesser i kraftspørsmål og sikre at ein størst mogleg del av verdiskapinga vert igjen i dei områda der vasskraftressursane finst og verdiane vert skapt. Samarbeidet mellom kraftfylka går attende til 1991, mens interesseforeninga vart skipa i 2013. Foreninga er engasjert i ei rekkje aktuelle saker, som kostnadsfordeling i kraftnettet, organiseringa av kraftnettet og effektane av kommune- og regionreforma på eigarskap i kraftsektoren og fordelinga av konsesjonskraft.

Valnemnda i Kraftfylka ber medlemmane i Samarbeidande kraftfylke i E-post av 22.09.2017 om å fremje forslag på to kandidatar til vervet som styreleiar, ein av kvart kjønn. Styreleiar vert vald for ein periode på to år. Ein ber og om å oppnemne ein delegat til årsmøtet i foreninga. I forkant av årsmøtet vert det heldt ein årsmøtekonferanse kor medlemmane kan stille med inntil 4 representantar. Det vert anbefalt at ein av dei fire representantane er frå fylkeskommunens administrasjon. Fylkesrådmannen vil finne ein representant frå administrasjonen som kan delta på årsmøtekonferansen i Kraftfylka.

Fylkesrådmannen rår til at fylkestinget gjer val av to kandidatar til verv som styreleiar i Samarbeidande Kraftfylke og val av ein delegat til årsmøtet. Fylkesrådmannen rår og til at det vert gjort val av tre representantar til årsmøtekonferansen i Kraftfylka. I forslag til innstilling vil fylkestinget be Fylkesrådmannen om å peika ut ein representant frå fylkeskommunens administrasjon som kan delta på årsmøtekonferansen.

### Forslag til innstilling

Fylkestinget gjer slikt val til styreleiar i Samarbeidande Kraftfylke:

1. Kandidat 1:.....(Kvinne)
2. Kandidat 2:.....(Mann)

Fylkestinget gjer slikt val delegat til årsmøtet i Samarbeidande Kraftfylke:

.....

Fylkestinget gjer slikt val av tre representantar til årsmøtekonferansen til Samarbeidande Kraftfylke:

1. Representant:.....
2. Representant:.....
3. Representant:.....

Fylkestinget ber Fylkesrådmannen finne ein representant frå administrasjonen som kan delta på årsmøtekonferansen i Samarbeidande Kraftfylke, som ein av dei 4 representantane.

Rune Haugsdal  
fylkesrådmann

Ingrid Kristine Holm Svendsen  
fylkesdirektør økonomi og organisasjon

*Saksframlegget er godkjent elektronisk og har derfor inga underskrift.*

**Fylkesrådmannen, 01.12.2017**

Det noverande styret i Samarbeidande kraftfylke er:

**Leiar: Knut Petter Torgersen**, Nordland (Ap)  
Nestleiar: Mona Røsvik Strømme, Hordaland (H)  
Aase Simonsen, Rogaland (H)  
Terje Damman, Vest-Agder (H)  
Inger M. Eira-Åhren, Nord-Trøndelag (Ap)  
Aud Hovden, Telemark (Ap)

Varamedlemmer:

Line Miriam Sandberg, Troms (Frp)  
Sigurd Reksnes, Sogn og Fjordane (Sp)  
Jon Olav Strand, Aust-Agder (Krf)  
Mari Gjestvang, Hedmark (Sp)

I følgje vedtektene til Kraftfylka skal styret veljast blant folkevalde med ein sentral posisjon i medlemsfylka: fylkesutval, fylkesråd eller annan sentral politisk posisjon. Dei tre siste styreleiarane har kome frå Hordaland, Hedmark og Nordland. Valperioden i Kraftfylka følgjer fylkestingsperioden.

Grunnlaget for fylkas sitt engasjement i kraft: Her skjer 77 % av den norske kraftproduksjonen og 70 % av forbruket i landets kraftintensive industri. Kraftfylka veit at dette er ein symbiose som er vel verdt å ta vare på og vidareutvikla. Konesjonskraftrettane skaffar kraftfylka viktige inntekter til bruk i det regionale utviklingsarbeidet. Fleire av kraftfylka har eigarskap eller medeigarskap i kraftproduksjonen. Eigarskapet gjer utbytteinntekter som er med på å finansiera fylkeskommunale oppgåver som til dømes dei vidaregåande skulane og tannhelsetenesta.

Valnemnda i Kraftfylka ber no medlemmane, mellom anna Hordaland fylkeskommune, om å fremje forslag på to kandidatar til vervet som styreleiar til årsmøtet i mars 2018. Noverande styreleiar har signalisert at han vil gje seg på neste årsmøte, i mars 2018.

Det må og fremjast forslag om ein delegat til årsmøtet. I forkant av årsmøtet vert det heldt ein årsmøtekonferanse kor medlemmane kan stille med inntil 4 representantar. Det vert anbefalt at ein av dei fire representantane er frå fylkeskommunens administrasjon. Det vert rådd til at Fylkesrådmannen finn ein representant frå administrasjonen som kan delta på årsmøtekonferansen i Samarbeidande Kraftfylke.

Slikt val må gjerast.